

Q. D. B. V.

DISSERTATIO INAUGURALIS MEDICO-CHIRURGICA,
DE
**HERNIAE INTESTINALIS
LEGITIMA CURA,**

Quam
RECTORE HUIUS UNIVERSITATIS MAGNIFICENTISSIMO,
REVERENDISSIMO ET ILLUSTRISSIMO DOMINO,
D O M I N O

PHILIPPO VVILHELMO,
S.R.I.COMITE de BOINEBURG,

SACRAE CAESAREAE MAJESTATIS CONSILIARIO INTIMO & CAMERARIO, nec non
METROPOLITANARUM ECCLESiarUM, MOGUNTINAE ET TREVIRENSIS CA-
NONICO CAPITULARI SENIORE, & respectivè SUPREMO CHORI-EPISCOPO,
EMINENTISSIMI PRINCIPIS ELECTORIS MOGUNTINI CONSILIARIO
INTIMO, AC CIVITATIS TERRITORIIQUE ERFFURTENSIS
PRO-PRINCIPE &c. &c.

IN PERVETUSTA ELECTORALI HIERANA,
AUCTORITATE & CONSENSU AMPLISSIMAE FACULTATIS MEDICAE,
SUB PRÆSIDIO

DN. JOANNIS PHILIPPI EYSELII,
MED. DOCT. ANATOMIAE, CHIRURGIAE ET BOTANIC. PROF. PUBL. ORDINARIJ,
FACULT. MED. ASSESSORIS ORD. P. L. C. p. t. DECANI,

DN. PROMOTORIS & HOSPITIS sui ætatem devenerandi,

PRO LICENTIA

DOCTORALES IN ARTE MEDICA HONORES ET PRIVILEGIA
More Majorum legitimè consequendi,
Publico Eruditorum Examini subjicit

BALTHASAR Hübschmann/Dörffelio-Misnicus,
Medicinæ Baccalaureus.

Ad diem 30. Decembr. Anno MDCCXI.

IN AUDITORIO MAJORI. HORIS CONSVETIS.

V I R O
MAGNIFICO, AMPLISSIMO,
EXCELLENTISSIMO *ATQUE* EXPERIENTISSIMO
D O M I N O
AUGUSTO QVIRI
NO RIVINO,

PATHOL. AC BOTAN. PROF. PUBL. UNDIQVAQUE CEL-
BERRIMO, FACULTATIS MEDICÆ LIPSIENSIS SENIO-
GRAVISSIMO, MAJ. P.P. COLLEGII COLLEGIATO
ET ACADEMIÆ DECEM-VIRO LONGE
MERITISSIMO,

DOMINO, PATRONO AC PRÆCEPTORI
suo ad cineres usque devenerando

HANC DISSERTATIONEM INAUGURALEM
in devinctissimi animi testimonium off

obstrictissimus servus

A U T O



B. G. D.

PRÆFATIO.



Verum est, inquit Celsus Lib. I. pag. mihi 8. ad ipsam curandi rationem nihil plus conferre quam Experientiam. *Liceat mihi huic sententiæ cum pace eorum subscribere, qui illam nostris temporibus floccipendent, rationem Experientiæ præferendo subtilioribus delectantur speculationibus, & dogmaticos inter Medicos eminere contendunt. Quot enim quæso ad manus habemus Aatorum volumina, in quibus morborum tam internorum quam externorum Definitiones, Causæ, Signa & Methodi medendi prolixè traduntur, quorum pauciores tamen ipsis videre contigit; nihilominus celebritatem Nominis sibi conciliant; & quò magis ingenii aciem in scriptis suis ostendunt, tantò magis æstinantur, licet in applicatione nullum experimentum rationi respondeat. Ad hæc igitur tanquam ad sacram anchoram confugiunt Medicinam facientes, ibique solatium quaerunt, quando difficilior casus cautius postulat consilium,*

sed suo & agrorum damno experiuntur, quam fallax sit
ejusmodi remedium nunquam forte tentatum. Interim
negandum non est, prostare quoque libros, non nisi fidelis-
simas observationes cum rationibus satis probabilibus &
convenientibus continentes; dolendum autem, eos non
asterisco quodam notatos esse, ut verum à falso discernere
queant Practici juniores. Et quandoquidem hanc ob cau-
sam innumera sphalmata in praxi commissa totò observan-
tur die, ubi vel in cognitione morbi vel applicatione reme-
dii peccatur, experientia aut aliena consulenda aut quo-
que propria expectanda est, antequam certi aliquid deter-
minari possit. Hac enim innixi securè aliis suademus,
quid fieri debeat modo in casu desperato & periculoso, mo-
do in affectu diuturno & pertinaci, modo in ancipiti &
dubio. Præ cæteris morbi sic dicti Chronici Practicos ex-
ercere solent, quando adhibitis ex consilio variorum Au-
torum omnis generis specificis & appropriatis remediis, de-
nique nil nisi aliquot levamen agris conciliant, & pallia-
tive saltem occurrunt; quale quid in phthisi, calculo, chlo-
rosi, si internos spectes morbos; si externos, omnium maxi-
me in Herniis contingit. Labet jam missis affectibus reli-
quis Hernias Intestinales, utpote quæ meâ in patria quas
endemiæ sunt, tantum sub Examinis incudem revocare &
loco Speciminis Inauguralis præmissa earum pathologia
Curam ostendere Legitimam; Adsis igitur Optime Deus cle-
mentissimâ Tuâ gratiâ hisce meis laboribus, & quæ in
posterum suscipere debeo, conaminibus practicis, quo cuncta
in Sanctissimi Nominis gloriam, ægrorum commodum me-
amque Salutem ex voto vergant! Lectorem autem Be-
nevolum maximoperè rogamus, velit se æquum in censu-
do

do exhibere, siquidem omnia non omnibus placere poterunt; interim certo persuasus sit, nos experientiam semper speculationibus puris prætulisse.

§. I.

Integros non modo Tractatus & Dissertationes prolixas, sed quoque omnes fere Practicorum libros Herniarum tradere curam, me haud fugit, sed quam difficilis ea sit, non dicam horrenda, & medici & ægri experiuntur, quando non nisi per Sectionem & conjunctam Castrationem aut Ustionem penitus curari potest Hernia. Equidem innumeros novimus hujus consilii miseros testes, qui ejusmodi methodum medendi abhorrentes, per dies vitæ herniosi manent, & ad levandam exinde obortam molestiam ligamentis sat tædiosis uti coguntur. Et quamvis non semper in Medico sit, ut æger reveletur, nihilominus ejus culpa periclitatur hic, quando ille non agit, quod agere debebat. Ideo hæc saltem attendenda erunt hoc in passu, quæ experientia teste plurimis cum successu exhibuimus, eosque sic pristinae restituiimus sanitati.

§. II.

Herniæ vocabulum alii origine latinum, alii græcum pronunciant. Deducunt autem nonnulli ab hæreo, quod fortiter adhæreat ægris. Hæcque derivatio minus exhaurire ejus sensum videtur. Quidam cum *Celso* existimant, herniam ob pellis duritiem ita dici, quæ secundum Sabinorum linguam Saxum significat, neque hæc origo satis conveniens est. Græciæ potius ortum debet, in eaque vox *ἑγος*, latine

germen, ramus non ignota fuit, ab illa derivamus herniam, quæ ob prominentiam & prolapsum intestinorum aut omenti, germina arborum fere referentem non incongrue sic vocatur. Neque enim semper durities adest, neque omnis hernia diu durat; hæc tamen similitudo à Græcis desumpta magis genuinum exprimit sensum.

§. III.

Ideoque herniæ nomen quibusdam Affectibus nostri corporis propriè, aliis improprie tribuitur. Sic appellant vulgo glandularum circa collum & asperam arteriam tumores p. n. herniam gutturalem. Græcis βρογχοκήλη audit. Huc pertinet hernia aquosa, five scroti hydrops, item flatulenta, carnosæ & varicosæ, quas Græci ὕδροκήλην, πνευματοκήλην, σαρκοκήλην, κίρσοκήλην nominant. Tres vero species propriè sic dictæ herniæ apud Autores deprehendimus, nempe omentalem seu ἐπιπλοκήλην; intestinale seu ἐντεροκήλην, & mixtam seu ἐντεροεπιπλοκήλην.

§. IV.

Variæ quoque denominationes in Medicorum scholis usitatæ sunt, præter vocabulum Herniæ. Idem enim denotat apud Latinos Ramex, Ruptura, Crepatura vid. Brunonis Lex. Med. Græcis κήλη dicitur. Germani vocant: Einen Bruch.

§. V.

Herniæ quidem varie ab Autoribus definiuntur dum alii omnes etiam per errorem sic dictos tumores earumque causas simul indicant. Alii remotas causas neglectis proximis tantum nominant, minime tamen appropriatæ hæc definitiones videntur, cum

ve

vel in excessu vel in defectu peccatum sit; Lubet ergo ad mentem *Magnifici Rivini, Patroni & Præceptoris mei debita Observantia nunquam satis prosequendi aliquam suppeditare, quæ magis arridet: Hernia Intestinalis* (de illa enim in sequentibus dicturi sumus) est Morbus externus ab intestinorum prolapsu extra abdomen peritonæo vel dilatato vel rupto dependens.

§. VI.

Distinctio autem inter herniam perfectam & imperfectam; (siquidem per illam intestini & omenti descensus ad scrotum, per hanc Ramex inguinalis intelligitur) non attendi meretur, uti ex Definitione liquet, prolapsum quemcunque intestini, (omento non excepto) extra abdomen herniam dicimus. Differunt interim manifeste inter se pro varietate loci, quem occupare solent. Nunc enim ejusmodi tumor circa umbilicum observatur, qui sub nomine *umbilicalis herniæ* venit; Græci appellitant *ὀμφαλοκήλην*, Germani, *einen Nabel-Bruch*: Nunc ad ingvina descendunt intestina, ibique *herniam ingvinalem* Græcis *βωνοκήλην* Germanis *einen Schooß-Bruch* constituunt. Tandem etiam ad Scrotum delabuntur, unde *hernia rotalis*, Græce *ὀρχεοκήλη* in lingua mea vernacula *ein Bemächt-Bruch* dicta nomen accepit.

§. VII.

Subjectum, quod tali morbo obnoxium deprehendimus modo ratione ætatis, modo ratione sexus considerandum erit. Ad sexum quod attinet, & masculinus & fœmininus hernia laborat; iisque contradicunt Autorum observationes, qui cum Veteribus

bus fœminas ab herniis immunes esse statuunt; non dicam ex Anatomicis constare, in eo loco, ubi ligamenta uteri rotunda exeunt, peritonæum satis dilatari posse; testem habeo *Regn. de Graaff*, qui in oper. suis pag. 272. & 273. de filia hernia laborante, & post mortem dissectâ, refert, se in dictâ regione peritonæum adeo relaxatum invenisse, ut integram foveam seu bursam, efformarit, per quam intestina in inguem descendendo produxissent. Porro adultis pariter ac infantibus frequens est hic affectus: frequentiores tamen primis pueritiæ annis, item in extrema senectute notantur. Quo nimirum teneriores sunt partes, et facilius distenduntur, imò rumpuntur; & quô plures numerantur anni, eo major adest virium defectio, ut fibræ paralyticæ vix sustinere valeant impetum irruentis & prementis ponderis, accedente præpredis quâdam violentiâ.

§. VIII.

Quemadmodum unius rei plures esse possunt causæ; ita & hoc in passu alias habemus proximas, alias remotas; hæ vero proximis occasionem præbent. Sufficit interdum hic sola dispositio hæreditaria, quando Parentes aut herniosos generant infantes, quod tamen raro contingit; aut præter alias causas v. g. flatulentiam tanquam maxime frequentem saltim peritonæi lateris læsi laxitatem & infirmitatem communicant cum sobole, ut leviori data occasione eundem patiantur prolapsum. *Quælibet in animali patitur* inquit *Galenus Lib. XIV. de usu Part. C. 7. morbida magis atque imbecillior in omnem ætatem redditur, si quæ*

viii

vitium vel exiguum in prima conformatione ei obtigerit. Neque connatum vitium tantum, sed tenerior quoque partium constitutio naturalis huc pertinet, utpote quæ labores graviores ferre nequit: hinc ejusmodi valetudinarios videmus tota die, qui propter egestatem ad sustentandum corpus plus moliri coguntur, quam sustinere possunt.

§. IX.
Sunt præterea e rebus sex non naturalibus quædam in culpa v. g. cibus & potus, corporis & retentio, quæ seu non excernenda erant. Cibi ergo, qui flatibus occasionem præbent, huc spectant v. g. legumina, olera, lactuicia acetaria &c. item quæ crassiorem suppeditant chylum, ac alvum obstruunt, hujus farinae sunt: fructus Corni, Cynosbati, Cydoniorum, Pyra, Mespila cum arillis deglutita, carnes summo induratae & similia. Ad potum nocivum præ omnibus referri meretur cerevisia non defæcata aut ex avena absque lupulo parata, unde sæpius in Colicam passionem incidisse novimus, quæ aliquando herniam producit, cujus historiam narrat *Barthol. in observ. Cent. IV. hist. 70.*

§. X.
Omnium maxime nocet Commotio corporis nimia. Sic æquitando, saltando, post Tussim, vomitum enormem, casum, percussionem, gestationem gravioris ponderis ac coitum repleto abdomine celebratum, herniæ superveniunt, *Alfaharavio Lib. Pr. Tr. XXIV. C. I. fol. m. 98. Nuckio in Experim. Chir. p 121, aliisque passim affirmantibus.* Speciatim foeminis tale quid
B. accidit

accidit tempore gestationis & in partu difficili, evol-
vantur *Smetii Miscell. pag. 539.*

§. XI.

Circa excreta & retenta sæpius quædam notantur
vitia, inprimis quando fæces justo duriores tanta
cum difficultate excernuntur, ut vel distensio vel su-
bitanea peritonæi ruptio subsequatur. Retinentur
enim hæ ipsæ interdum per aliquot dies, atque diffi-
pato fero per æstum internum saxo non dissimiles
fiunt. Idem accidit præsentē Diarrhæa aut quoque
Dysenteria, hypercatharsi à sumto veneno vel reme-
dio drastico oborta, ubi conatus egerendi crebrio-
res, etsi frustranei sint, concurrente Tenesmo & ro-
bore partium consumpto, nihilo meliorem præstant
effectum, quam ipsa fæcum induratio. Hac de re
notabilem commemorat Historiam *Platerus in observ.*

§. XII.

Peccant quoque non raro humores ratione quali-
tatis p. n. nunc enim dominatur acidum in primis
viis insigniter acre, quod refrigerato corpore, aut
accedente quocunque contrario per modum fermenta-
tionis Colicam, tormina ventris atrocissima & fla-
tus producit; Nunc concurrit simul bilis acrior in
subjectis ad malum hypochondriacum dispositis, ut-
pote, quæ per æstum circa hypochondria concilian-
do, alvi obstructionibus occasionem præbet; nunc
vel sola sufficit bilis, quando vel Diarrhœa vel Dy-
senteria Herniis ansam suppeditant. Et hæ potiores
causæ sunt, si remotas desideres, nam brevitatis er-
go eas, quæ levioris momenti videntur, lubentes
reti-

reticuiamus . Ideo neque *Joh. Muys* subscribimus, qui relaxationem peritonæi humoribus serosis tribuit; Sic enim in *Prax. Chirurg. Rat. p. 197.* expresse loquitur: *Sed unde provenit, quod in hernia intestinum prolabatur in scrotum, aliasque partes? Ob relaxationem peritonæi, quæ exoritur ex eo, quod multi ejusdem tubuli obstruantur, inque illis stagnent, ac coacerventur humores, qui progressu temporis se insinuant inter fíorillas peritonæi, illudque hoc pacto relaxant.* Sed cur accusamus humorum affluentium stagnationem absque præcedente causa obstruente & impediante eorum transitum: & cur modo umbilicum, modo inguina & scrotum tantum occupare solent intestina, cum tamen ejusmodi copia humorum alia quoque in parte abdominis colligi queat? Neque unquam audivimus quiescente corpore herniam supervenisse, nisi præcesserit quædam violentia. Et quandoquidem in ascite seum abundans peritonæi processus adeo distendit, ut & intestina libere ad scrotum delabi possint; non pus est, ut humor ille peccans fibris peritonæi sese insinuet, illisque quasi parâlysin inferat; sufficit, si distendatur tota ejus compages, quod etiam tunc temporis contingit. Præter hunc vero casum non admittimus herniam ex humorum stagnatione. Denique Vulnus abdomine videre licet per transversum discisso herniam post se relinquit plane extraordinariam, siquidem huic certus locus assignari non potest, neque huc ejus accuratioꝝ consideratio spectat, cum reliquis enim partium carnosarum læsionibus ex toto convenit.

§. XIII.

Nunc ad proximas causas devenimus, easque duplices statuimus, nempe dilatationem processus peritonæi aut rupturam ejus. Et quamvis nonnulli rupturam penitus in dubium vocent, quoniam fortassis talem casum ipsis nunquam videre licuit, testes nihilominus oculares habemus Autores fide dignos hinc *Fabricius Hildanus Centur. VI. observ. 70. p. 588.* feciminis frequenter contingere asserit, quod pariter viris vehementer corpus commoventibus, metuendum est. — Crebriores autem observantur distensiones diætæ membranæ, quæ per modum vaginæ vasa spermatica utrinque cingit. His præsuppositis quæritur an promiscue omnia hic promineant intestina, an vero quædam præ aliis in culpa sint? Respondetur situm intestinorum naturalem si consideremus; neque rectum aut colon neque duodenum & jejunum facile ad scrotum devenire potest; commodissimum situm est ileon, quod reliqua longitudine superat & inferiorem occupat abdominis regionem, adeoque herniam & umbilicalem (ubi & jejunum in culpa esse potest) & inguinalem & scrotalem ut plurimum gignit. *vid. Gottfr. Mæbii fundam. Medic. Physiol. pag. 216.* Interdum etiam jejunum simul excidit; interdum appendix ilei seu cæcum; Hi tamen casus rariores sunt, nec nisi in herniis extremæ magnitudinis accidunt.

§. XIV.

Signis ad herniam intestinale cognoscendam Medicum vix opus habere putassem, nisi in mentem venissen

venissent quorundam errores non condonandi, quorum mentionem hic injicere non incongruum erit. Sumfit præterito anno civis cujusdam urbis celebrioris, nescio pro qua intentione à Pharmacopæo Vomitorium, cumque illud Medicamentum vel sinistre paratum vel in dosi excedens per superiora & inferiora ægrum adeo purgasset, ut tumorem doloremque graviolem in ingvine ad scrotum usque se extendentes statim perciperet; Medicum ordinarium consulere coactus est; qui dictum affectum pro tumore testiculi habuit, ideoque cataplasmata sæpius calide imponenda svasit: His tamdiu ob ignorantiam morbi continuarunt, donec alius, sed nimis sero advocatus Medicus, ipsum pariter ac adstantes de hernia intestinali certiores redderet. Erant autem tunc temporis intestina jamjam sphacelo correpta, & mors superveniebat, antequam conveniens remedium aut chirurgia applicari posset. Dissecto cadavere intestina sphacelata in scroto reperiiebantur fere ad ulnæ unius longitudinem. Alibi honesta vivit Matrona, quæ adhuc de Chirurgi incauta manu conqueritur. Hic nimirum herniam ingvinalem pro bubone agnoscens, quoniam intestina neque supine jacente ægra recedebant, remollientibus emplastris ac epithematibus diu tractavit, ac tandem, dum sponte non rumpebatur abscessus, scalpello materiæ purulentæ spatium exeundi ostendere tentavit; sed loco puris alimenta semidigesta prodibant, inde arguebat, intestinum esse læsum: O miseros ægros, qui ejusmodi Medicis se concedere necessum habent! Cognoscitur ergo noster affectus

ex tumore modo inæquali, modo rotundo, inter ambulandum maxime conspicuo, & evanescente interdum, si supinus jaceat æger, aut manu prematur leniter; mollior quoque & durior deprehenditur; prout vel calore foveatur, vel frigore vexatur, aut quando minor vel major flatuum copia adest; accrescit & decrescit ratione ciborum ac motus corporis. Murmur quoque observari solet in nonnullis recedentibus versus abdomen vel egredientibus intestinis. Ab initio dolet locus læsus præprimis si ruptura præcesserit, successu temporis absque dolore fertur, nisi fortassis fæcum alvinarum atque flatuum retentio molestiam creet.

§. XV.

Quid igitur sperandum aut metuendum est rebus sic se habentibus? *Omnis hernia respondet Sennertus in Prax. Lib. III. Part. 2. Sect. I. Cap. 6. difficulter curatur. Neque enim membrana illa tenuis & nervosa facile unitur, nisi sit ruptura parva, recens & in corpore puerili. alias fere nunquam perfecte curatur.* Quemadmodum autem non semper petitonæi dilaceratio concurrit; ita nec in genere omnis hernia curatu difficilis existit, Limitamus potius ratione circumstantiarum judicium prognosticum, & difficulter curari credimus in senibus, quamvis *Fabricius Hildanus Cent. VI. Obs. 69.* absolute asserat; in hujusmodi subjectis non perfecte curari hernias: nam alibi sexagenarii antea hernia laborantis mentionem facit, qui in totum restitutus fuit. Facilius longe absolvitur cura consistente ætate, infantes enim ac pueri vix abstinere ab ejulatu, vocifera-

feratione, aliisque commotionibus maxime nocivis. Hic tamen nunquam desperare debemus, siquidem legitima medicamentorum applicatio omnem tollit difficultatem. Nihilominus quædam earum species periculosæ sunt, si diu duraverint, ob passionis iliacæ & sphaceli metum, cujus exempla referunt *Job. Muys in Prax. Chir. Ration. pag. 195. Dolæus in Encyclop. Chir. at. Lib. III. Cap. 2. pag. 694. & Ammannus in Medic. Crit. pag. 162.* quorum prodromi sunt durities tumoris cum inflammatione & dolore, & stercoris rejectio per vomitum: Imo mors ipsa non raro supervenit, nisi cito succurratur: Sic judicat *Tulpius Obs. Medic. Lib. III. Cap. 13. Nihil herniæ intestinali perniciosius est, quam ster- cus per os reddi. Arguit quippe hæc regurgitatio, manife- stam motus peristaltici offensam. In quo cum consistat ve- rum intestinorum stabilimentum, mirum non est, si eo labe- ctato, pessum eat homo.* Lethalis quoque enteroceles meminit *Forestus Lib. 27. Obs. 16 pag. 605.*

§. XVI.

Curam hujus Affectus si spectemus, necessum est, ut separemus illegitimam à legitima; Promissimus quidem in præcedentibus tantum herniarum in- tinalium Curam legitimam; sed quo appareat, quæ nobis illegitima dicatur, non præmittendam esse sensuimus. Pertinet namque ad illam Sectio & huic conjuncta castratio, ustulatio & cura sympathetica. Ad hanc referimus media, quæ desumuntur è fonte chirurgico, pharmaceutico & diætetico. De singu- seorsim in sequentibus agemus.

§. XVII.

Venit autem nobis sub nomine Curæ illegitimæ
omnis

omnis medendi methodus, quæ fere nunquam absque ægri summo vitæ periculo aut nefanda quadam superstitione absolvitur. Nominamus primo Sectionem, quæ duplicis generis est, vel sine vel cum testiculi extirpatione accurate tradit modum procedendi *Malaehias Geigerus in Kelegraph. Cap. 9. pag. 90. & seq.* Utramque plane non suademus, neque pueris, neque adolescentibus, neque ætate provectis; non tam propter dolorem & hinc oriundos motus convulsivos lethales quoque, quam partium exquisitissimo sensu præditarum metuendam inflammationem ac subsequentem sphacelum & gangrænam; non dicam ob metum mortis, quæ ut plurimum operationi finem facit, cujus mihi quoque innumeri in mentem veniunt tristissimi casus. Si enim intestina cum partibus jam inflammata sunt, accedente vulnere major conciliabitur æstus, imo sphacelantur citius partes, quam si leniter tractentur. Si vero nullus dolor, nulla durities aut inflammatio urget, supervacanea erit sectio. Idem de Puncto aureo judicium esto, cujus enchiresin tradit *Paræus Lib. 7. Cap. 16. item Nuckius in Exper. Chir. p. 126.* periculi in primis à ligatura Cremasteris cum vasis fortiter injecta dependentis metum. Multo minus probamus Puncturam quas supra citatus *Geigerus Cap. 10.* præter aureum punctum prolixè describit, cum facili negotio tendatur aut nervus, aut vas sangviferum aliquod aculæc possit, unde gravissima symptomata præter mortem omnino timenda sunt.

§. XVIII.

Eandem meretur censuram curandi modus per causticam

caustica nunc actualia ad mentem Veterum, nunc potentialia
sicut Recentioribus placet. Nec mirum est, si crudelitatis cri-
men in Medicos cadat, quando pro more carnificum non nisi
urendo & secando juvare possunt jam satis afflictos agros: Ut
paceam dubium & plerumque periculosissimum eventum illos,
qui hactenus effugerunt crudeles manus detertere eoque per-
ducere, ut ex duobus malis minus eligere consultius putent, &
ad dies vitæ herniam servare malint, quam morti apertis quasi o-
culis obviam ire. Non opus est his diebus, cum ad summum per-
fectionis fastigium pervenerit Ars Nostra, ut *Hippocratis* dicto fi-
dem habeamus, illudq; legis instar sancte excolamus, quando di-
xit: *Morbum, quem non curat Dieta & Medicina, illum ferrum aut Δ curat.*

§. XIX. Curam sympatheticam eodem modo proscribimus, &
indignam censemus Medico rationali ac prudentiore. Superstitio
nim, quæ omnem implet paginam nulloque pacto ab illa se-
parari potest, potius ad anum & plebem, quam virum honestum
pertinet. Multo minus media supranaturalia per characteres
& incantationes impetranda locum inveniunt, si quis saltem no-
men Christiani sibi vindicare velit. Labet unam alteramve
speciem harum curationum jam allegare, unde quivis sanioris
mentis ineptias, quibus innituntur, statim cognoscet. Suadent
vulgo, agrum herniosum tribus veneris diebus ante solis ortum,
ut quoque post occasum ceraso bifidæ & disruptæ immitten-
tum arboremque postmodum vinculo conveniente firmandam
& ligandam esse, quo iterum coalescat, sicque sua sponte eva-
lescere credunt herniam. Alii cum hordei grano & ægri uri-
na alio modo ludunt. Præ cæteris deridendi sunt ii, qui curæ per
Magnetem & Ferrum absolvendæ nimium confidunt. Intus ni-
mirum sumere debet ager magnetis pulverem: exterius vero
ferri limaturam ope unguenti seu emplastri cum cura applicant,
existimantes, magnetem integrum ac solidum extra corpus tra-
here ferrum, pulverisatum cum vehiculo dilutum atque in sto-
macho aut intestinis dispersum cum ferro simul carnes ad se ra-
pere: nesciunt fortassis, integrum magnetis lapidem à leviori
causa facile vim attractoriam amittere; idque tunc maxime con-
tingere, quando omnino destructa ejus substantia virtusque ope-
randi plane impedita fuerit. Ubi Mens, ubi Judicium! Neque
mihi me *Albertus Magnus* deducit, ut credam esse quoddam genus
Magnetis, quod trahat carnes hominum vid. *Lib. I. de Mineral.*
lib. 2. Cap. II. Neque cum *Porta* sentio, qui *Lib. VII, Cap. 8.* statuit

non solum Æthiopico, sed cuilibet magnetis generi talem com-
petere virtutem. Plura de hujusmodi ineptiis non adducam.

§. XX. Jam legitima herniarum Cura ostendenda nobis
est, & quidem ante omnia illa, quam Chirurgia suppeditat.
Consistit hæc in repositione intestinorum non cum impe-
tu, aut una vice facta, ac si patens esset foramen, frustrane
quoque erunt conatus; sed altera eaque blanda manu prehen-
ditur intestinum circa læsionis locum (cavendo, ne vasa sper-
matica & musculum cremasterem simul arripiamus) & sic pre-
mendo leniter retruditur successive; altera abdomen quasi redu-
citur & retinetur, convenienter videlicet agro collocato, clu-
nibus elevatis & capite declivi. Jubet interim chirurgus, ut spi-
ritum, quantum possibile, retineat, & si respirare necessum ha-
bet, manum imponit loco læso, ne iterum relabantur intestina.
Præsupponitur autem ad talem operationem justa intestinorum
partiumque affectarum mollities: nam præsentē spasmus aut du-
ritie enormi nihil effici potest. Quæ omnia in omphalocèle pari-
ter ac bubonocèle & oscheocèle attendi debent, quamvis in
priori casu non adeo difficilis sit repositio.

§. XXI. Cogitemus porro, quomodo retineantur intestina
debite reposita. Sufficiunt in junioribus omphalocèle laboranti-
bus fasciæ; in adultis cingulum requiritur ex corio alces aut cer-
vi paratum; nunc latius, si tumor major, nunc angustius, si minor.
In ingvinali & scrotali hernia subligaculis firmioribus ad ægrum
corpus accommodatis utimur, quæ vel ex corio jam nominato
vel ex chalybe tenuissimo constant, vid. *Brendelii Consil. 91. pag. 336*.
reliquæ ex linteamine aut panno compositæ nobis non arrident
quia facilius relaxantur sudante corpore, & sic spatium præben-
t exitum molientibus intestinis. Quoad figuram & modum parandi
variant Autores, & quilibet fingit pro lubitu aliquod, si modo
ægro commodum fuerit. Plura subministrant *Geigerus in Kelegr.*
Cap. VIII. & Scultetus in Armam. Chir. Tab. 39. Fig. 9.

§. XXII. Emplastra non sine fructu ex pice, resina & gum-
matibus composita imponuntur, antequam subligacula ap-
plicentur; Pro hac intentione in officinis servatur Empl. ad her-
nias Augustanorum; habentur quoque eorum descriptiones in
Zodiac. Med. Gall. III. pag. 102. Mynsichti Armam. Med. chym. pag. 518.
Marggraffi Mat. Med. pag. 277. le Mort. Pharm. pag. 251. It. Balsa-
mica & Adstringentia sæpius desiderantur ac optime profunt;
quemadmodum Job. Agricola in Poppium, ubi de Ære, pag. 414. nar-
rat;

at: Juvenem 18. annorum magna hernia laborantem ipatio
4. dierum restitutum fuisse sequenti mixtura alutæ inducenda:
℞. Balsam. ☿. [cujus prepar. vid. ibid. p. 409.] ℥ij. ol. Mastich. ℥j. Croci
martis ℥ss. ▽ si. ill. ℥ss. ▽ ☉. dulc. ℥j Corall. rubr. ppt. Magnet. ppt. āā.
℥ss. Extract. Consol. maj. Aristoloch. rot. āā. ℥iiss. M. Huc spectat unguen-
um nobile *Mynsichti in Armament. p. 498.* laudatum; ol. lacertarum,
quod *Zwelferus in Pharmac. Aug. p. 266.* commendat, momordicæ,
Been alb. hyper. lil. alb. &c. Si tumor ob duritiem à flatuum vel fæ-
rum copia repelli nequeat, Linimenta ex carminativis & anody-
nis conveniunt. v. g. recipimus sem. lini, carvi, anethi, fl. chamo-
nillæ, sambuci &c. eaque in lacte præsentē inflammatione, in vino
præcedente refrigerio, decoquimus & calide adhibemus. Qui ▽
um *Riverio Cent. III. obs. 82.* illinere jubent, nil aliud quam pro-
pulsionem flatuum intendunt; atque tunc efficacior videtur ▽
Antapoplectica similisque aromatizata. Menthæ recentis vires
hoc in passu plane singulares *Magnificus RIVINUS* sapius opti-
mo cum successu expertus est. Siccata non inconvenienter ad e-
mithemata recipitur. Linum nendum recenter contortum ac
condum coctione depurgatum germ. roly ☿ in lacte coctum
alideque impositum multum profuisse tradit *Job. Muys in Prax.*
Chir. Rat. p. 198 Ad arcendam inflammationem convenit lithar-
yrium in aceto decoctum & ope linteaminis quadruplicati ca-
de impositum. Etsi hæc non sufficientem præstent effectum,
ad Balnea ex lacte vel ▽ injectis plantis emollientibus refugere
debemus, quorum effectum hinc inde Autores deprædicant.
 tandem clysteres ex humectantibus & anodynis remediis in fæ-
rum induratione proficui sunt; sed cum eos sapius per os reddi-
erint ægri summa cum nausea, de quibus variæ apud Autores
rostant observationes; circumstantiæ omnes probe ponderen-
ur; ne ex intempestivo illorum usu excitata nausea vomendi
onatus valde periculosi superveniant.

§. XXIII. Quibus adhibitis interna non negligantur. Sunt ita-
que triplicis generis: Absorbentia, Carminativ. & Laxantia. Contra
humorem acidum primas vias occupantem exhibeatur loco o-
minium Lim. ☿tis, utpote cujus vires in destruendo acido plane
singulares existunt. cor. r. lap. ☿. C. C. & similia lapidosa cum ustis
ilem præstant.

§. XXIV. Herniosos plerosq; flatibus vexari, in superioribus di-
um est; ideoq; necessum videtur, ut hi propellantur per congrua
pharmaca, quæ apud Medicos Carminativa audiunt. Magnam
illorum

illorum copiam præbet Regnum Vegetabile: e.g. radices ari, enula
acori, polygonati, *vid. Theodori Rüdter Buch p. 811.* chamæleonti
feu carlinæ juxta *Brendelii Consil. 91.* filicis, galangæ, Zedoariæ, Zingi
beris &c. herbas & folia menthæ, herniariæ ex *Consil. Hollerii L. I. cap.*
62. faniculæ, Driæ min. lauri &c. flores chamomillæ Romana
stœchados Arabicæ centaurii min. semina carvi, anethi, fœniculi
anisi, baccæ lauri & in uniuersum omnia, quæ sub aromatum titu
lo in officinis asservantur. Ex his parari possunt pulveres, electua
ria, aut quoq; affuso menstruo. Ω so, Essent. ac Tinct. item Ω o
per destillationem, prout cuilibet visum fuerit. Siquidem & ho
nomine in usu sunt composita, Ω Carm. Ω Θ . a. mon. anis. Ω E
P. 7. Fabri Elix. Θ . Myns. ball. Φ anis. tinct. Γ . acr. Ω o Γ . per deliqu. &
innumera alia huic intentioni destinata. Omnibus autem his pal
mam præripit *Magnifici Rivini Pulvis* adhernias ex jam nominati
simplicibus constans, cujus descriptio sequens est: *12. Lim. & puris*
3j. pulv. sem. fœnic. 3vj. rad. ari 3iij. Ω o. cin. destill. gr. xx. M. F. Pulv.
Ipse hujus remedii usu, non neglectis iis, quæ in antecedentibus
diximus & sequens §. tradet, omnes quotquot hernia intestinali
laborantes obvenerunt, felicissime restituit.

§. XXV. Urget interdum alvi obstructio Laxantium pro
pinationem; Purgantia vero non conveniunt, multo minus Vo
mitoria: nam expurgatio blandis medicamentis fieri debet, opti
mo monente *Sculeto in Armament. Chir. P. I. pag. 88.* Pro biliosis i
gitur commendamus crystallos aut crem. Φ ri singulis diebus post
prandium sumendum, Φ rum Θ atum, arcanum 2plic. Θ Γ iat
decocta ex sebesten, jujubis, ficibus, passulis min. infusum fol
Sennæ, mannam selectam, syr. cichor. rhabar. Tinct. Γ tis aperit
Zwelf. & quæ cum succo pomor Porsd paratur. Iisdem quoque
conveniunt Ω acidi, cum Σ edulcati, ut Ω . Θ is, Θ l dulc. d
quibus confer *Zod Med. Gall.* Reliquis subjectis svademus rha
barbarum, rad. Eryoniæ, *vid. Zod. Med. Gall. III. pag. 41.* Jalappæ, Me
choac. Aloen. Elix. propriet. f. a. cum rhabarb. & si quæ si
milem vim habent leniter stimulandi alvum.

§. XXVI. Denique Diætæ regimen probe observandum est. Abstinean
ægrî ab alimentis, quæ superius §. 9. recensuimus, Caveant, ne commotione cor
poris nimia naturam de restituenda sanitate sollicitam turbent, ac impedian
minus consringi aut quoque consolidari queant fibræ nunc relaxatæ nunc disruptæ
Vitetur sedentaria vita, & compressio abdominis, ne alvus obstruatur. Hac sun
L.B. quæ occasione Curæ legitimæ herniæ intestinalis in mentem venerunt; hi
enim omnibus probe observatis curam & Medico & agro facilem fore nulli dubi
tamus: Ut igitur meos qualescunque conatus æqui bonique consulere velis, iterum
iterumque rogo & contendo. Summo vero Numini pro concessis hucusque
viribus sit Laus & Gloria absque

FINE.